

VENDIM
Nr. 812, datë 21.11.2012

PËR NJË SHITESË DHE NDRYSHIM NË VENDIMIN NR. 758, DATË 2.11.2012 TË KËSHILLIT TË MINISTRAVE “PËR NJË SHITESË FONDESH NË BUXHETIN E VITIT 2012, MIRATUAR PËR MINISTRINË E TURIZMIT, KULTURËS, RINISË DHE SPORTEVE, PËR EKSPOZITAT E DREJTORISË SË PËRGJITHSHME TË ARKIVAVE DHE EKSPOZITËN “VESHJE TË TREVAVE SHQIPTARE”, NË KUADËR TË 100-VJETORIT TË PAVARËSISË”

Në mbështetje të nenit 100 të Kushtetutës, të neneve 5 e 45 të ligjit nr. 9936, datë 26.6.2008 “Për menaxhimin e sistemit buxhetor në Republikën e Shqipërisë” dhe të nenit 13 të ligjit nr. 10 487, datë 5.12.2011 “Për buxhetin e vitit 2012”, me propozimin e Ministrit të Turizmit, Kulturës, Rinisë dhe Sporteve, Këshilli i Ministrave

VENDOSI:

Në vendimin nr. 758, datë 2.11.2012 të Këshillit të Ministrave, bëhen shtesa dhe ndryshimi i mëposhtëm:

1. Në titullin e vendimit, pas emërimit “... Ministrisë së Turizmit, Kulturës, Rinisë dhe Sporteve ...” shtohet emërtimi “... Drejtorisë së Përgjithshme të Arkivave ...”.

2. Pika 1 ndryshohet si më poshtë vijon:

“1. Institucioneve të mëposhtme, në buxhetin e miratuar për vitin 2012, t’u shtohen fondet, si më poshtë vijon:

a) Ministrisë së Turizmit, Kulturës, Rinisë dhe Sporteve në zërin “Projekte” artikulli 604, t’i shtohet fondi prej 720 000 (shtatëqind e njëzet mijë) lekësh, sipas listë-preventivit bashkëlidhur, për organizimin e ekspozitës etnografike mbarëkombëtare “Veshje të trevave shqiptare”, që do të zhvillohet në mjediset e Muzeut Historik Kombëtar me rastin e 100-Vjetorit të Pavarësisë.

b) Drejtorisë së Përgjithshme të Arkivave t’i shtohet fondi prej 1 900 000 (një milion e nëntëqind mijë) lekësh, sipas listë-preventivit bashkëlidhur, për realizimin e ekspozitave për 100-Vjetorin e Pavarësisë.”.

3. Ngarkohen Ministria e Turizmit, Kulturës, Rinisë dhe Sporteve, Ministria e Financave dhe Drejtoria e Përgjithshme e Arkivave për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha

PROJEKTET PËR 100-VJETORIN E PAVARËSISË SË SHTETIT SHQIPTAR
DREJTORIA E PËRGJITHSHME E ARKIVAVE

Nr.	Emri i aktivitetit	Data	Vendi	Institucioni zbatues	Shuma
1	Ekspozitë “Plava dhe Gucia në 100-Vjetorin e Pavarësisë”	27 korrik	Plavë, Mal i Zi	AQSH	150.000
2	Ekspozitë “Marrëdhëniet shqiptaro-ruse në arkivat e dy vendeve tona”	26 tetor	Tiranë	AQSH	150.000
3	Ekspozitë “Elbasani në 100-Vjetorin e Pavarësisë”	30 tetor	Elbasan	AQSH	150.000
4	“Transmetimi i kujtesës së Holokaustit dhe parandalimi i krimeve kundër njerëzimit”, organizuar në kuadër të presidencës së KE-së (Konferencë, Workshop)	3-5 shtator	Tiranë	AQSH	100.000
5	Ekspozitë “Nderi i njeriut: Shpëtimi i hebrenjve në Shqipëri”	3-5 shtator	Tiranë	AQSH	150.000
6	Përirimi i ekspozitës mbi kontributin e kolonive shqiptare të mërgimit “Diaspora”	19-26 prill	Tiranë	AQSH	150.000
7	Ekspozita “Kontributi i personaliteteve të SHBA-së dhe Britania e Madhe për çështjen shqiptare”	22 tetor	Tiranë	AQSH	150.000
8	Ekspozitë “Kontributi i personaliteteve nga Franca dhe Gjermania për çështjen shqiptare”	5 nëntor	Tiranë	AQSH	150.000

9	Ekspozitë “Kontributi i personaliteteve nga Austro-Hungaria dhe Italia për çështjen shqiptare”	12 nëntor	Tiranë	AQSH	150.000
10	Katalogët e ekspozitave		Tiranë	AQSH	300.000
11	“Arkivi Shqiptar” – revistë shkencore	nëntor	Tiranë	AQSH	200.000
12	Katalogët e ekspozitës “Dorëshkrime bizantine dhe pasbizantine në Shqipëri”	nëntor	Tiranë	AQSH	100.000
	SHUMA TOTALE				1.900.000 lekë